

adr:

ALTERNATIV DEMOKRATESCH
REFORMPARTEI

Groupe parlementaire



Här Fernand Etgen

President vun der Deputéiertechamber

19, um Krautmaart

L-1728 Lëtzebuerg

Lëtzebuerg, den 22. Mäerz 2019

Här President,

esou wéi d'Chambersreglement et virgesäit, bieden ech lech, dës parlamentaresch Fro un den Här Justizminister weiderzeleeden.


Aktuell gëtt an der Chamber un enger Reform vum Jugendschutzgesetz geschafft.

An deem Kontext wéilt ech dem Här Minister gär folgend Froe stellen:

1. Kann den Här Justizminister soen, wéi vill Mannerjäreger „placéiert“ ginn, dat heescht aus hirer Famill erausgeholl, fir si an eng staatlech Institutioun oder eng „Fleegefamill“ ze placéieren? Kann den Här Minister dëst an engem zäitleche Kader präziséieren? Wéi gesäit d'Evolutioun vun dëser Zuel iwwer d'Zäit aus?
2. Gëtt et iergendwellech „qualitativ“ Statistiken doriwwe, firwat Kanner placéiert ginn?
3. Wann esou eng Decisioun bis geholl ass, bei där e Mannerjärege placéiert gëtt, wéi gesäit dann de weidere Verlaf an der Praxis aus?
4. Ginn déi betrafte Kanner ofgeholl oder féieren d'Eltere si selwer op déi Plaz, déi fir d'Kanner bestëmmt gouf?
5. Stëmmt dat, datt a ville Fäll Polizisten déi betrafte Kanner op Uerder vum Parquet ofgeholl hunn – sief dat doheem, an der Schoul oder bei Frënn? Kann den Här Justizminister soen, a wéi vill Fäll déi betrafte Kanner esou vun der Police ofgeholl goufen? Sinn déi Polizisten an Zivil oder sinn dat arméiert Polizisten an Uniform?
6. Stëmmt et, datt d'Madame Familljeminister an den Här Educatiounsminister bei lech als zoustännege Justizminister intervenéiert hunn, fir déi Praxis ze stoppen?
7. Firwat gëtt dës Praxis nach ëmmer weider ausgefouert?

8. Wüsst den Här Jüstizminister, datt déi Praxis vun deenen, déi sech um Terrain fir d'Rechter vun de Kanter asetzen, z.B. vum Ombudscomitée vun de Rechter vum Kand (ORK), als „eng institutionaliséiert Mësshandlung“ bezeichent gëtt?
9. Huet den Här Jüstizminister wëlles - nodeem déi Fall bekannt goufen - de Parquet unzeweisen, an Zukunft d'Offhuele vun de Mannerjärege méi human ze gestalten?

Mat déiwem Respekt,



Røy Reding
Deputéierten